

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. II. Corollarium notatu dignum

---

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

bari tamen beatitudinem esse incompossibilem cum peccato veniali, quod non avertit à Deo.

Sed contra: Licet peccatum veniale non avertat à Deo, divertit tamen ab ipso: At cum amore beatifico incompossibilis est nedium avertisio à Deo, sed etiam diversio: Ergo amor beatificus non solum excludit peccatum mortale, sed etiam veniale, & cum neutrō incompossibilis est. Major est certa: per hoc enim differunt actus charitatis, peccatum mortale, & peccatum veniale, quod charitas convertit hominem in Deum tanquam in ultimum finem; peccatum mortale illum à Deo ut ultimo fine avertit; veniale autem neque convertit, neque avertit, sed solum divertit ab ultimo fine. Minor verò probatur: Amor necessarius nedium quoad specificationem, sed etiam quoad exercitium, non solum cum avertisione à Deo, sed etiam cum diversione ab illo est incompossibilis; cum enim sit continuus & nunquam interruptus, omnia que beatus diligit, actu refert & ordinat in divinam bonitatem tanquam in ultimum finem: Arqui amor beatificus, nendum quoad specificationem, sed etiam quoad exercitium, necessarius est, ut art. 1. ostendimus: Ergo cum illo nendum avertisio, sed etiam diversio à Deo est incompossibilis.

Confirmatur: Actus charitatis, quō taliter homo fertur in Deum, ut si memoria occurret veniale peccatum, ipsum detestaretur, cum eo peccato incompossibilis est: Sed amor patriæ illius est conditionis: Ergo cum veniali peccato est incomparabilis. Major patet, Minor probatur. Amor patriæ debet esse conformis cognitioni per quam regulatur: Sed viro beatifica, quæ regulat amorem patriæ, proponit Deum ut super omnia diligendum, & ad minus virtualiter judicat nihil esse appetibile quod ad Deum ordinabile non sit: Ergo amor beatificus non solum est dilectio Dei super omnia, sed etiam excludit quenvis affectum objecti ad Deum ut ad finem ultimum non ordinabilis, & virtualiter detestatur omne peccatum veniale.

Ratione ista ex amore beatifico desumpta D. Gregorius lib. 5. moral. cap. 27. alias 28. ubi ait: *Natura Angelorum est in semetipsa mutabilis, quam mutabilitatem paret per hoc, quod ei qui semper idem est, vinculis amoris colligatur.* Et D. Augustinus 14. de civit. cap. 9. *Vbi (inquit) boni adepti amor immutabilis est profectus, si dici potest, malo cavendi timor fecerit.* Illius etiam meminit Anselmus lib. de casu Diaboli cap. 6. & D. Thomas qu. 24. de verit. art. 8. & lib. 4. contra gentes cap. 92. ratione 7.

Dices: Charitas patriæ, & charitas viæ sunt ejusdem speciei; & charitas viæ interdum est major, & perfectior intensivè charitate patriæ: Sed charitas viæ non excludit potentiam ad peccandum, ino nec actuale peccatum, saltem veniale: Ergo nec charitas patriæ.

Respondeo concessa Majori, & Minori, negando Consequentiam: nam charitas patriæ non habet ex sua ratione specifica, nec ratione perfectionis intensivæ quā gaudet, quod tollat potentiam ad peccandum, sed solum ratione perfectionis individualis, seu modi operandi quem habet in patria: cum enim ibi reguletur per lumen gloriae, & claram visionem, quæ Deum ut habentem omnem rationem boni clare representat, & judicat nihil esse appetibile

A quod ad Deum ordinabile non sit; hinc habet quod non liberè, sed necessariè operetur, & tollat potentiam ad peccandum etiam venialiter ut antea expouimus.

## S. II.

*Corollarium notatu dignum.*

**E**X dicitis inferes contra Victoriam relatum 76 à Medina hic art. 4. & contra Egidium a Præsentatione lib. 1. qu. 16. art. 3. § 3. causam sufficientem impeccabilitatis beatorum esse visionem beatificam: unde et si de facto viuere & amore impeccabiles reddantur, tamen de potentia Dei absoluca amor ex viuione non sequeretur, ratione solum viuonis impeccabiles remanerent.

Patet hoc corollarium ex suprà dictis. Tum quia voluntas videntis Deum ita se habet respectu boni divini, sicut voluntas viatoris in ordine ad bonum in communione: unde sicut impossibile est aliquem in via operari, nisi respiciendo rationem boni in communione; ita qui videt Deum non potest velle quicquam quod non ordinetur ad ipsum. Tum etiam quia, ut suprà arguebamus, non potest esse in voluntate peccatum, nisi in intellectu error, ignorantia, aut inconsideratio præcedat: Sed visio beata ratione sui omnes illos defectus ab intellectu beatorum excludit: Ergo ratione sui, amore non subsecuto, est incomparabilis cum actuali peccato.

Dices: Visio beata non habet immediatam oppositionem cum peccato: Ergo non habet ex natura sua excludere illud. Consequens videtur legitima. Antecedens probatur: quia visio est in intellectu, peccatum in voluntate: quæ autem sunt in diversis subjectis non habent immediatam oppositionem, neque se se in vicem excludunt, ut summa frigiditas in manu, & summus calor in pede: Ergo &c.

Respondeo concessa Antecedente, negando 78 consequentiam. Licet enim visio Dei non habeat immediatam oppositionem cum peccato, habet tamen oppositionem immediatam cum aliquo requisito de necessitate ad peccatum, scilicet cum iudicio pratico, quo intellectus hic & nunc judicat aliquid bonum apparet esse eligendum & amandum, quamvis legi divinae contrarietur, & non sit ordinabile in divinam bonitatem: hoc autem sufficit ut visio beatifica ex se, & independenter ab amore quem causat, peccatum tam mortale quam veniale excludat, & cum utroque sit incompossibilis, ut patet ex supra dictis.

## ARTICULUS V.

*Vtrum de potentia Dei ab soluta posset cum visione, aut amore beatifico, peccatum excludere, vel saltem habituale componi?*

**I**N hujus difficultatis resolutione tres reperio Theologorum sententias. Prima assertit peccatum, tam actuale, quam habituale, posse de ab soluta Dei potentia cum visione & amore beatifico conjungi. Sententiam hanc defendunt omnes qui censem, beatitudinem non reddere hominen impeccabilem ex propria & intrinse-

ca ra-